


ვეზადებით სკოლაში დასაბრუნებლად
როგორ შევამციროთ COVID 19 გავრცელება
სკოლაში



აღნიშნული გზამკვლელის მიზანია სკოლის საზოგადებას გააცნოს ქართულ-ავსტრიული სკოლა ფესვების COVID 19 პანდემიის პირობებში სამოქმედო გეგმა.

1. სკოლის მზაობა პირისპირ სწავლებისთვის

„სამუშაო ადგილებზე ახალი კორონავირუსის (COVID-19) გავრცელების თავიდან აცილების მიზნით რეკომენდაციების დამტკიცების თაობაზე“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის №01-227/ო ბრძანების დანართი N1 დადგინდა, რომ სკოლა გადის COVID -19 ის მიმართ თანამშრომელთა ინფიცირების საშუალო რისკის კატეგორიაში.

აღნიშნული რისკის დონის გათვალისწინებით სკოლა, შრომის ინსპექციის დეპარტამენტის მიერ რეკომენდირებული კონტროლის მექანიზმების იერარქიის მიხედვით, კონტროლის მექანიზმების იერარქია:



ზემოთხსენებული იერარქიიდან პირველი ორი საფეხურის - „გამორიცხვა“ და „ჩანაცვლება“, განხორციელება მსოფლიო პანდემიის პირობებში შეუძლებელია. ამიტომ COVID-19 -ის გავრცელების რისკების სამართავად სკოლა გამოიყენებს დარჩენილ სამ საფეხურს: „საფრთხის იზოლირება,“ „პროცედურები,“ „ინდივიდუალური დაცვის საშუალებები.“

საფრთხის იზოლირება

1. ტემპერატურის გაზომვა დისტანციურად

სკოლის შესასვლელთან განხორციელდება თერმოსკრინინგი, რათა გაკონტროლდეს როგორც მასწავლებლების, მოსწავლეებისა და მათი მშობლების/კანონიერი წარმომადგენლების, ასევე თანამშრომელთა და სკოლაში მომსვლელი ნებისმიერი ვიზიტორის ჯანმრთელობის მდგომარეობა. თერმოსკრინინგის დროს დაფიქსირებული მაღალი ტემპერატურის ხელმეორედ გადამოწმების მიზნით, სკოლის შესასვლელში მოწყობილია შესაბამისი მოსაცდელი სივრცე. მოსაცდელ სივრცეში გადაყვანილი პირისთვის 37.0C ან 37.0C -ზე მეტი ტემპერატურის განმეორებით დაფიქსირების შემთხვევაში, პირი არ დაიშვება სკოლის ტერიტორიაზე.

2. იმ პირთა დაუყოვნებელი იზოლაციის პოლიტიკა და პროცედურები, რომელთაც აღნიშნებათ COVID-19-ის ნიშნები ან/და სიმპტომები

- დაუშვებელია რესპირატორული ინფექციისთვის დამახასიათებელი სიმპტომების მქონე (ხველა, ცემინება, სურდო, სუნთქვის გაძნელება, საერთო სისუსტე და ა.შ.) პირების (მასწავლებლების, თანამშრომლების და მოსწავლეების) დაშვება სკოლის შენობაში;
- თერმოსკრინინგისას ცხელების - 37.0C ან 37.0C -ზე მეტი ტემპერატურის დაფიქსირების შემთხვევაში, პირი ექვემდებარება ტემპერატურის გადამოწმებას ვერცხლისწყლის თერმომეტრით 15 წუთიან შუალედში, მოსაცდელ სივრცეში. ყოველი გამოყენების შემდეგ ვერცხლისწყლის თერმომეტრი მუშავდება სადეზინფექციო ხსნარით ან აღნიშნული თერმომეტრის გამოყენება ხდება ერთჯერადად;
- სიცხის გადამოწმების შემდეგ 37.0C ან 37.0C -ზე მეტი ტემპერატურის დადასტურების შემთხვევაში:
 - ა) ნებისმიერი პირი არ დაიშვება სკოლაში და ვალდებულია მიმართოს ოჯახის ექიმს;
 - ბ) მოსწავლე (პირბადით) განათავსდება წინასწარ მომზადებულ საიზოლაციო ოთახში. სკოლა დაუყოვნებლივ დაუკავშირდება მშობელს/კანონიერ წარმომადგენელს, რომელიც ვალდებულია იზრუნოს მოსწავლის სკოლიდან დროულად გაყვანაზე;
 - გ) მშობლის/კანონიერი წარმომადგენლის გონივრულ ვადაში სკოლაში გამოუცხადებლობის შემთხვევაში, სკოლა ვალდებულია დაუკავშირდეს 112-ს შესაბამისი სამედიცინო სერვისის მისაღებად, გადამისამართების მიზნით;

დ) საიზოლაციო ოთახში მყოფი ყველა პირი (მათ შორის, მოსწავლე) აღჭურვილი იქნება შესაბამისი ინდივიდუალური დაცვის საშუალებებით. მოსწავლეები არ რჩებიან საიზოლაციო ოთახში მეთვალყურეობის გარეშე;

- საიზოლაციო მიზნებისთვის გამოყენებული ოთახი აკმაყოფილებს შესაბამისი უწყების მიერ შემუშავებულ ყველა პირობას:

ა) ოპტიმალური ბუნებრივი ვენტილაცია;

ბ) აღჭურვილია დასაჯდომი/მოსასვენებელი საშუალებებით (სკამი/სავარძელი/ტახტი);

გ) ხელმისაწვდომი ხელის ჰიგიენის საშუალებები;

დ) ყოველი გამოყენების შემთხვევაში საიზოლაციო ოთახის სველი წესით დამუშავება.

რესპირატორული სიმპტომების (ხველა, ცემინება, სურდო, სუნთქვის გაძნელება, საერთო სისუსტე და ა.შ.), ან ცხელების სასწავლო პროცესის დროს გამოვლენის შემთხვევაში, მოსწავლე და სხვა პირი (პირბადით) დროებით გადაყვანილი იქნება **საიზოლაციო ოთახში**. მოსწავლის შემთხვევაში მშობლის/კანონიერი წარმომადგენლის გონივრულ ვადაში. გამოუცხადებლობის შემთხვევაში, სკოლა ვალდებულია დაუკავშირდეს 112-ს შესაბამისი სამედიცინო სერვისის მისაღებად გადამისამართების მიზნით.

COVID-19-ს რომელიმე მოსწავლის ან თანამშრომლისთვის დადასტურების შემთხვევაში მოხდება სკოლის მთელი შენობის დეზინფექცია. ამასთან, სკოლის ადმინისტრაცია განსაზღვრავს ინფიცირებულთან ახლო კონტაქტში მყოფ პირებს მოსწავლეებს/მასწავლებლებს/თანამშრომლებს შორის და უზრუნველყოფს, რომ სამსახურში არ გამოცხადდნენ COVID-19-ით დაავადებულ პირთან/პირებთან მჭიდრო კონტაქტში მყოფი პერსონალი;

- კონტაქტების მოსამიელებლად სკოლა ხელმძღვანელობს „კონტაქტირებული პირის“ განმარტებით (კონტაქტების რისკის დონე განისაზღვრება ცხრილი N1-ის შესაბამისად);
- მოსწავლის დაინფიცირების შემთხვევაში, კონტაქტირებულებად ჩაითვლებიან ძირითადად თანაკლასელები, ცალკეულ შემთხვევებში კი, სკოლის თანამშრომლები.

რისკის განსაზღვრა ხდება შემდეგი პროტოკოლით:

- მასწავლებლის დაინფიცირების შემთხვევაში, გადამდებლობის სარისკო პერიოდში (სიმპტომების დაწყებამდე 48 საათის განმავლობაში და შემდეგ; უსიმპტომო მიმდინარეობის შემთხვევაში, დიაგნოსტირებამდე 48 საათის განმავლობაში და

შემდეგ) გაკვეთილების ჩატარებისას, კონკრეტული კლასის მოსწავლეები კონტაქტირებულად ჩაითვლებიან იმ შემთხვევაში, თუ:

- ა) მასწავლებელი მოძრაობდა კლასში და არ იცავდა მინიმუმ 1 მეტრის დისტანციას თითოეული მოსწავლის მიმართ;
- ბ) მასწავლებელს არასწორად ეკეთა ან საერთოდ არ ეკეთა პირბადე;
- მოსწავლეთა დაინფიცირების რისკი მინიმალურია იმ შემთხვევაში, თუ მასწავლებელს გაკვეთილის მსვლელობისას სრულყოფილად ჰქონდა მორგებული პირბადე, იცავდა დისტანციას და ხდებოდა საკლასო ოთახის ბუნებრივი ვენტილაცია;
- კონტაქტირებულად ჩაითვლებიან მასწავლებლები/თანამშრომლები, რომლებთანაც ინფიცირებულს დახურულ სივრცეში, პირბადის გარეშე, 1 მეტრზე ნაკლები დისტანციით, 15 წუთზე მეტი ხნის განმავლობაში ჰქონდა კონტაქტი;
- სკოლის სხვა თანამშრომლების (მანდატური, დარაჯი, ექიმი, დამლაგებელი და სხვ.) დაინფიცირების შემთხვევაშიც, მუნიციპალური საზოგადოებრივი ჯანმრთელობის სამსახურები უზრუნველყოფენ მათთან მაღალი რისკის კონტაქტში მყოფი თანამშრომლების იდენტიფიცირებას და მათი თვითიზოლაციის/კარანტინის ხანგრძლივობის დაზუსტებას.

ცხრილი 1. კონტაქტების კლასიფიკაცია ექსპოზიციის/დაინფიცირების დონიდან გამომდინარე

მაღალი რისკის კონტაქტი (ახლო ექსპოზიცია)	დაბალი რისკის კონტაქტი
<p>პირი, რომელსაც:</p> <ul style="list-style-type: none"> • ჰქონდა პირდაპირი შეხება COVID-19 ის დადასტურებულ შემთხვევასთან 1 მეტრზე ნაკლები დისტანციით, 15 წუთზე მეტი დროით; • ჰქონდა ფიზიკური კონტაქტი COVID-19-ის დადასტურებულ შემთხვევასთან; • ჰქონდა დაუცველი უშუალო კონტაქტი COVID-19-ის შემთხვევის მიერ გამოყოფილ სეკრეტთან (მაგ: შეხველება) <p>რომელიც დახურულ სივრცეში იმყოფებოდა (მაგ. საცხოვრისი, საკლასო ოთახი, შეხვედრების ოთახი და ა.შ.) COVID-19 ის დადასტურებულ შემთხვევასთან 15 წუთზე მეტი ხნის განმავლობაში;</p>	<p>პირი, რომელსაც:</p> <ul style="list-style-type: none"> • ჰქონდა პირდაპირი შეხება COVID-19 ის დადასტურებულ შემთხვევასთან 2 მეტრზე ნაკლები, მაგრამ 1 მეტრზე მეტი დისტანციით 15 წუთზე ნაკლები დროით; • იმყოფებოდა COVID-19 ით ინფიცირებულთან დახურულ სივრცეში 15 წუთზე ნაკლები დროით;

სკოლის სამუშაო სივრცის დეზინფექცია და სადეზინფექციო საშუალებები

1. სკოლა უზრუნველყოს გამოყენებად სამუშაო ინვენტარისა და მოწყობილობების დამუშავებას რამდენჯერმე დღეში შესაბამისი კონცენტრაციის სადეზინფექციო ხსნარით. სკოლის შენობის/შენობების შესასვლელთან განთავსდება დეზობარიერები, შესაბამისი სავალდებულო ნიშნის მითითებით. სამუშაო ადგილებზე განთავსდება ზედაპირების

სადეზინფექციო საშუალებები და მათი სწორად მოხმარების წესები. სამუშაო ადგილზე განთავსდება ხელის პერიოდული დეზინფექციისთვის საჭირო სულ მცირე, 70% ალკოჰოლის შემცველი ხელის დასამუშავებელი ხსნარები.

2. ინდივიდუალური დაცვის საშუალებების (შემდგომში: „იდს“) გამოყენებით სისტემატურ დასუფთავება/დეზინფექციას მოითხოვს:

- სამუშაო მაგიდა
- კომპიუტერის მონიტორი
- კლავიატურა
- კომპიუტერის მაუსი
- სკოლაში არსებული ტელეფონები
- მობილური ტელეფონები
- კარის/ფანჯრის სახელოურები
- მოაჯირები
- შიდა და გარე ნარჩენების ურნები
- დაწესებულების იატაკი
- საპირფარეშოები
- ჭურჭელი/კონტეინერები
- მაგიდები და სკამები
- ყავის/წყლის აპარატები
- ვიტრინებისა და სადემონსტრაციო სივრცეები
- დახლები
- სამზარეულოში არსებული ინვენტარი
- საკონფერენციო/სააქტო ოთახების აღჭურვილობა და ინვენტარი
- ელექტრო ჩამრთველები (ელ-ენერჯის საერთო გამორთვის შემდეგ შესაბამისი იდს-ების გამოყენებით)
- ავეჯი
- საბავშვო სივრცეები და ინვენტარი

3. აუცილებელია, ყოველი დასუფთავება/დეზინფექციის პროცესის შემდეგ მოხდეს ხელთათმანების გამოცვლა და ხელების დაბანა/დამუშავება.

4. გაკვეთილების მიმდინარეობისას სანიტარიული წერტილების სანიტარიული დასუფთავება მოხდება ყოველი დასვენების შემდეგ; ხოლო საერთო გამოყენების სივრცის სველი წესით დალაგება/სანიტარიული დამუშავება ყოველი სასწავლო დღის შემდგომ.

5. არასაკვეთილო დროს სანიტარიული კვანძის მოპირკეთებული ზედაპირების, უნიტაზების, ხელსაბანი ნიჟარების რეცხვა და დეზინფიცირება ხორციელდება დაბინძურების შესაბამისად, მაგრამ არანაკლებ დღეში 2-ჯერ;

6. სანიტარული კვანძის დასუფთავება მოხდება წინასწარ განსაზღვრული საპირფარეშოების დასუფთავების წესის, პერიოდულობის, დასუფთავებისთვის განკუთვნილი ინვენტარისა და გამოყენებული ჰიგიენური საშუალებების ნუსხის შესაბამისად.

სანიტარული კვანძის დეზინფექციისთვის გამოიყენება მხოლოდ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის“ მიერ რეგისტრირებული საშუალებები.

8. ხელის დეზინფექციისათვის არანაკლებ 70%-იანი ალკოჰოლის შემცველი ანტისეპტიკური საშუალებების დისპენსერები განთავსდება სკოლის შესასვლელში, საერთო სარგებლობის სივრცეებთან (საიზოლაციო ოთახი, ბიბლიოთეკა, სპორტული დარბაზი, სამასწავლებლო, კვების ბლოკი და სხვ.), თითო სართულზე არანაკლებ 2 ცალი. გათვალისწინებულია, რომ ხელების დაბანა წყლითა და საპნით უპირატესია.

სამუშაო სივრცის ორგანიზება

1. 2020-2021 სასწავლო წელს სასწავლო პროცესი განხორციელდება საკლასო ოთახებში, თუმცა საჭიროების შემთხვევაში, სამინისტროს გადაწყვეტილებით, სკოლა მზაობას აცხადებს გადავიდეს დისტანციური სწავლების რეჟიმზე.

2. ფანჯრების გაღებით და განიავებით ხდება სრული სამუშაო სივრცის გამუდმებულ რეჟიმში ბუნებრივი ვენტილაცია, ჰაერის განიავება. საკლასო ოთახებში ყოველი შესვენების დროს მასწავლებელი უზრუნველყოფს საკლასო ოთახის განიავებას.

3. სასწავლო ოთახები, ადმინისტრაციული სათავსები და საერთო სარგებლობის ფართები აღჭურვილი იქნება გამოყენებული ერთჯერადი ხელსახოცებისა თუ სხვა ჰიგიენური ნარჩენებისთვის განკუთვნილი ნაგვის ყუთებით - კონტეინერებით (დახურული კონტეინერებით, სატერფულით გახსნის შესაძლებლობით), რომლებშიც ჩაფენილი იქნება ერთჯერადი პოლიეთილენის პარკი. ნარჩენების პარკის ამოიღება და განკარგვა დასაშვებია მხოლოდ ერთჯერადი ხელთათმანების გამოყენებით. ასეთი ნარჩენების დროული გატანა მოხდება შესაბამისი პირის/სამსახურის მიერ.

4. მასწავლებლის მიერ მოხდება ელექტრონული ჟურნალის გამოყენება.

5. სასწავლო რესურსები და ნივთები, რომელთა დეზინფიცირება ან გასუფთავება ძნელია, ამოღებული იქნება ხმარებიდან, მაგალითად, ქსოვილისგან დამზადებული თვალსაჩინოებები. მასწავლებელმა მაქსიმალურად უნდა შეიკავოს თავი ჯგუფში მრვალჯერადად გამოსაყენებელი ნივთების ხმარებისგან, აუცილებლობის შემთხვევაში უნდა მიუთითოს, რომ ხელები დაიბანონ ან დაიმუშაონ მათ გამოყენებამდე და შემდგომ;

6. შეზღუდულია ერთმანეთის ნივთების გამოყენება.

7. სასურველია საკლასო ოთახების კარების ღია დატოვება, უკეთესი ვენტილაციისთვის.

8. შეზღუდულია ლაბორატორიების გამოყენება, სხვადასხვა კლასის მოსწავლეების ერთ კლასში გადაადგილების შეზღუდვის მიზნით.

რესურსოთახი და სსსმ მოსწავლესთან მუშაობა

1. უნდა განხორციელდეს ყველა იმ ზედპირის დასუფთავება/დეზინფექცია, რომელთანაც შეხება უწევს სსსმ მოსწავლესა (მოსწავლესთან მუშაობის პროცესში გამოყენებული ნებისმიერი დამხმარე და განმავითარებელი რესურსი, მათ შორის, ეტლი, ყავარჯენი, სათვალე და სხვა);

2. რესურსოთახში, ინტეგრირებულ კლასსა და ასევე, საჭიროების შესაბამისად, საკლასო ოთახში, უზრუნველყოფილ იქნება გამოყენებული ერთჯერადი ხელსახოცებისა თუ სხვა ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი;

3. სსსმ მოსწავლესთან მუშაობის დროს სპეციალისტმა გამოიყენებს პირბადეს, თუ სამუშაო მოითხოვს 1 მ-ზე ახლოს მიახლოვებას, ამასთან, ხელებით კონტაქტის საჭიროებისას კი გამოიყენოს ერთჯერადი ხელთათმანი;

4. სსსმ მოსწავლესთან მომუშავე სპეციალისტი შემღებისდაგვარად დაეხმარება სსსმ მოსწავლეებს უსაფრთხო დისტანციის დაცვაში.

კვების ბლოკი

1. კვების ბლოკში სალაროსთან და საკვებთან განთავსდება დამცავი გამჭვირვალე ბარიერი - მოსწავლეებთან პირდაპირი კონტაქტის თავიდან არიდების მიზნით;

2. ყოველი მომხმარებლის შემდეგ უზრუნველყოფილ იქნება მაგიდის სპირტისშემცველი ხსნარით დეზინფექციას;

3. დისტანციის დაცვის მიზნით, კვების ობიექტში გამოყენებულ იქნება მოსწავლის განთავსების ადგილების მარკირების სისტემა შემდეგი სისტემით:

ა) ერთ მაგიდასთან განთავსებულ მომხმარებლებს შორის უზრუნველყოფილი იქნება არანაკლებ 1 მეტრიანი დისტანცია;

ბ) ერთი ადამიანის განთავსებისთვის საჭირო ფართობი შეადგენს არანაკლებ 2,25მ²-ს.

გ) სკამის საზურგეებს შორის მანძილი იქნება არანაკლებ 1 მეტრი;

დ) მაგიდებს შორის დაცული იქნება უსაფრთხო მანძილი, არანაკლებ 2 მეტრი.

4. კვების ბლოკში განთავსდება გამაფრთხილებელი ნიშანი, რომელიც ავალდებულებს ნებისმიერ პირს საკვების მიღების წინ დაიბანოს ხელი წყლით და საპნით (საკვების მიღების წინ სანიტაიზერით ხელის დამუშავება არ არის რეკომენდირებული).

ბიბლიოთეკა

1. წიგნების/დოკუმენტების გამცემი პირი აღჭურვილი იქნება პირბადით და ხელთათმანებით;
2. სკოლის ბიბლიოთეკაში დაუშვებელია ჯგუფურად მუშაობის პროცესი;
3. დარბაზის დროებით დატოვების შემდეგ დაბრუნებისას აუცილებელი იქნება სადეზინფექციო ხსნარის გამოყენება;
4. გამოყენებული, მომხმარებლისგან/მკითხველისგან დაბრუნებული დოკუმენტები (წიგნები, ჟურნალები, გაზეთები, ნოტები და ა.შ) განთავსდება კარანტინში (სპეციალურად გამოყოფილ თაროზე/მაგიდაზე) 3-5 დღის განმავლობაში.
5. სახელოურები, მოაჯირები და სხვა) დამუშავება სადეზინფექციო ხსნარებით არანაკლებ 3-ჯერ დღეში;
6. კომპიუტერისა და მისი აქსესუარების დამუშავება მოხდება სადეზინფექციო ხსნარებით ყოველი გამოყენების შემდეგ;
7. ყველა სამუშაო ავეჯი გამოყენების შემდეგ დამუსავდება სადეზინფექციო ხსნარითა და მშრალი ხელსახოცით;

სპორტული მოედანი

1. სავარჯიშო პროცესი ღია სივრცეში განხორციელდება ჩართულ პირთა 2 მეტრიანი დისტანციის დაცვით;
2. უშუალოდ სავარჯიშო სივრცეში შესვლის წინ ყველა პირისთვის (სპორტსმენი, მწვრთნელი და ა.შ.) სავალდებულოა ხელის ჰიგიენის ჩატარება (ხელის დაბანა გამდინარე წყლითა და საპნით და ხელების დამუშავება დეზინფექტანტის საშუალებით);
3. ყოველი ვარჯიშის ბოლოს მოხდება სავარჯიშო სივრცის სველი წესით დალაგება და დეზინფექცია;
4. ყოველი დასუფთავებისა და დეზინფექციის შემდეგ მოხდება დახურული სივრცეების განიავება გაღებული ფანჯრებისა და კარებების პირობებში, „ორპირი ქარის“ პრინციპით;
5. თვალსაჩინო და ხელმისაწვდომ ადგილას განთავსებული იქნება ხელის ჰიგიენის საშუალებები და მათი სწორად მოხმარების წესები.

პროცედურები და სკოლის ტერიტორიაზე გადაადგილება

1. სკოლის ტერიტორიაზე დაუშვებელია მასიური თავშეყრა.
2. სკოლის ტერიტორიაზე სავალდებულო ხდება მოსწავლეებისთვის პირბადეების ტარება.
3. სკოლამ მაქსიმალურად შეზღუდავს ვიზიტორთა რაოდენობას სკოლის შენობაში, ვიზიტორი (მათ შორის მშობელი) სკოლის ტერიტორიაზე დაიშვება მხოლოდ გადაუდებელი აუცილებლობის შემთხვევაში, ვიზიტების ზუსტი აღრიცხვით: ვიზიტორის საიდენტიფიკაციო ინფორმაციის (გვარი, სახელი, საკონტაქტო ტელეფონი), ვიზიტის დანიშნულების, შემოსვლისა და გასვლის დროის დაფიქსირებით. მშობლებთან ან სხვა გარეშე პირებთან კომუნიკაციის დროს უპირატესობა ენიჭება დისტანციურ შეხვედრებს.
4. ყველა საკლასო ოთახში მერხების განლაგებულია იმგვარად, რომ მოსწავლეებს შორის დაცული იყოს მინიმუმ 1 მეტრიანი დისტანცია. მინიმუმ 2 მეტრიანი დისტანცია იქნება დაცული ასევე მასწავლებელსა და მოსწავლეებს შორისაც.
5. პირთა შორის დისტანციის დასაცავად გამოიყენებული იქნება სავალდებულო პირობითი ნიშნები (იატაკზე შესაბამისი სტიკერების/ნახაზების სახით). აღნიშნული ნიშნები განთავსდება სკოლის შენობის ყველა იმ ადგილას, სადაც შესაძლოა მოხდეს პირთა შეჯგუფება.
6. დაუშვებელია სკოლის ტერიტორიაზე ვიზიტორთა გადაადგილება თანმხლები პირის (დამსაქმებლის/დასაქმებულის/დარაჯის) გარეშე.

თანამშრომელთა ინსტრუქტაჟი მოსწავლეების მიერ პირბადის ტარების წესი

რა არის კორონავირუსი?

ახალი კორონავირუსი წარმოადგენს იმ ვირუსების ჯგუფს, რომელთა თავდაპირველი ადამიანის ინფიცირების წყაროს ცხოველი წარმოადგენს და რომელიც იწვევს რესპირატორულ ინფექციებს, დაწყებული ზოგადი გაციებით, დამთავრებული მწვავე რესპირატორული სინდრომით. ამ ვირუსის ადამიანთა შორის გავრცელება პირველად 2019 წლის დეკემბერში დაფიქსირდა ჩინეთში, ჰუბეის პროვინციაში.

როგორ ვრცელდება კორონავირუსი?

- აირ-წვეთოვანი გზით - ხველით, ცემინებით - ინფიცირებულ ადამიანთან 2მ-ზე ახლოს მიახლოებით
- თვალზე, პირზე ან ცხვირზე ინფიცირებული ხელის შეხებით
- ინფიცირებულთან მჭიდრო კონტაქტით - შეხება, ხელის ჩამორთმევა
- ფეკალიებთან კონტაქტით - იშვიათ შემთხვევაში

რა არის კორონავირუსის სიმპტომები?

ცხელება ცემინება ხველა სუნთქვის გაძნელება პნევმონია

ვინ არის მაღალი რისკის ქვეშ?

- 70 წელს გადაცილებული ადამიანები
- ადამიანები მწვავე ქრონიკული დაავადებებით

როგორ უნდა დავიცვათ თავი?

- ხშირად დაიბანეთ ხელები საპნით, წყლით ან სპირტის შემცველი ხსნარით თან იქონიეთ ალკოჰოლის შემცველი ანტისეპტური საშუალება
- შეინარჩუნეთ არანაკლებ 1მ მანძილი თქვენსა და სხვა ადამიანებს შორის, განსაკუთრებით კი იმ ადამიანებთან, რომლებიც ახველებენ, აცემინებენ ან/და მაღალი სიცხე აქვთ.
- არ შეეხოთ დაბინძურებული ხელებით თვალებს, ცხვირსა და პირს ხელებით თქვენ ეხებით ისეთ ზედაპირებს, რომლებიც შესაძლებელია ვირუსით იყოს დაბინძურებული.
- დახველებისას და დაცემინებისას ცხვირზე/ პირზე მიიფარეთ ცხვირსახოცი ან იდაყვი; გამოყენებული ცხვირსახოცი გადაადგეთ
- თუ გაქვთ სიცხე, ხველა და სუნთქვის გაძნელება, დროულად მიმართეთ ექიმს განსაკუთრებით იმ შემთხვევაში თუ იმოგზაურეთ იმ ქვეყნებში სადაც გავრცელებულია ვირუსი ან ეჭვი გაქვთ, რომ კონტაქტი გქონდათ ვირუსის მატარებელთან.
- ხშირად გაწმინდეთ თქვენი ტელეფონის, კლავიატურის, მაგიდის ზედაპირები და კარის ხელსაკიდები ანტიბაქტერიული საშუალებებით
- ხშირად გაანიავეთ საცხოვრებელი და სამუშაო სივრცეები დარწმუნდით რომ ჰაერის მიმოქცევა, ტემპერატურა და ტენიანობა ადეკვატურია.

ქართულ-ავსტრიული სკოლა ფესვები უზრუნველყოფს ჰიგიენის და ინფექციის კონტროლის სათანადო პრაქტიკის განხორციელებას, მათ შორის:

- ხელების ხშირი და გულდასმით დაბანის ხელშეწყობა;
- ხელის დასაბანი ადგილის გამოყოფა თანამშრომლებისა და მესამე პირებისთვის;
- ხელის დაბანის შეუძლებლობის შემთხვევაში, გამოყენებულ უნდა იქნას სულ მცირე 70 % ალკოჰოლის შემცველი ხელის გამწმენდი სითხე;
- თანამშრომელთა წახალისება, დარჩენ სახლში ავად ყოფნის შემთხვევაში;
- რესპირატორული ეტიკეტის დაცვის წახალისება, მათ შორის ხველის დაცემინების დროს ცხვირის და პირის დაფარვა;
- ერთჯერადი ხელსახოცებისა და ნაგვის ყუთების უზრუნველყოფა მომხმარებლებისა და საზოგადოებისთვის;

ინდივიდუალური დაცვისა და ჰიგიენური საშუალებების სწორად გამოყენება და შემდგომში მათ შენახვა/მოცილება:

ინდივიდუალური დაცვის საშუალებების (იდს) ჩამონათვალი

მოცემული იდს-ის ჩამონათვალი წარმოადგენს პირადი დაცვის იმ საშუალებებს, რომელიც საჭიროებისამებრ გამოიყენება სკოლაში მიმდინარე სამუშაოებისას მისი ტიპის მიხედვით და საფრთხის შესაბამისად.

საჭირო აღჭურვილობა:

- სამედიცინო ნიღაბი ან სამშრიანი ნიღაბი;(სკოლის ყველა პერსონალისთვის.)
- ერთჯერადი ხელთათმანები.

სხვა შესაძლო აღჭურვილობა:

- უსაფრთხოების სათვალეები და/ან სახის ფარი;
- ერთჯერადი ხალათი, უკან შესაკრავით;
- ჩაჩი სამზარეულოს პერსონალისთვის.

ინდივიდუალური დაცვის საშუალებების კონტროლი

- დაბინძურებული იდს არ უნდა იქნას გატანილი პირობითად დაბინძურებული ზონიდან; აგრეთვე, არ უნდა მოხდეს მისი ტარება აღნიშნული ზონის გარეთ;
- მრავალჯერადი იდს-ის უტილიზაცია, წმენდა, რეცხვა და დეკონტამინაცია უნდა განხორციელდეს იდს-ის მწარმოებლის რეკომენდაციის შესაბამისად. არანაირ ვითარებაში არ უნდა მოხდეს იდს-ის წალევა სახლში გამოყენების, გარეცხვის ან უტილიზაციის მიზნით;

პირბადეები

ერთჯერადი ნიღბის ტარების ხანგრძლივობა დასველება/დაბინძურებამდე მაქსიმუმ 2-4 საათია.

პირბადის მოხმარების წესები:

როდის უნდა გამოვიყენოთ პირბადე:

სკოლის ტერიტორიაზე ყველა პირი ვალდებულია ატარონ პირბადე. (მათ შორის ღია სივრცეშიც)

ნიღბის ტარება ეფექტურია მხოლოდ ხელების ხშირ დამუშავებასთან ერთად სპირტმემცველი ხსნარით ან საპნითა და წყლით;

ნიღბის ტარების შემთხვევაში უნდა იქნას დაცული მისი სწორად მოხმარებისა და გადაგდების წესები, კერძოდ:

- ნიღბის გაკეთებამდე ხელების უნდა იქნას გასუფთავებული სპირტმემცველი ხსნარით ან საპნითა და წყლით;
- ნიღაბი უნდა ფარავდეს ცხვირისა და პირის მიდამოს;
- ნიღაბი მჭირდროდ უნდა იყოს მორგებული სახეზე;
- მოხმარებისას დაუშვებელია ნიღაბთან შეხება. შეხების შემთხვევაში ხელების უნდა იქნას გასუფთავებული სპირტმემცველი ხსნარით ან საპნითა და წყლით;
- დაბინძურებისთანავე შეცვალეთ ნიღაბი ახლით. არ გამოიყენოთ ერთჯერადი ნიღაბი განმეორებით;
- ნიღბის მოხსნის წესი: ა) მოიხსენით ნიღაბი უკანა თასმის მეშვეობით; ბ) არ შეეხოთ ნიღბის წინა ნაწილს; მოხსნისთანავე გადააგდეთ უახლოეს ნაგვის დახურულ ურნაში; გ) ნიღბის მოხსნის შემდეგ ხელების უნდა იქნას გასუფთავებული სპირტმემცველი ხსნარით ან საპნითა და წყლით.

გზამკვლევეში ასახული რეგულაციები და რეკომენდაციები სრულად არის დაცული და შესრულებული სკოლის მხრიდან. აქედან გამომდინარე ჩვენი სკოლა სრულ მზადყოფნას აცხადებს სწავლის პროცესის გაასახლებლად საკლასო ოთახებში. იმისთვის რომ დავიცვათ ჩვენი შვილები, ოჯახისწევრები, მასწავლებლები და ახლობლები, აუცილებელია სკოლის საზოგადოების კოორდინირებული მუშაობა.

